

Broj: 01-4-NŠ-8152/25
Sarajevo, 10. 12. 2025. god.

ZAPISNIK

sa 3. redovne sjednice Vijeća Univerziteta u Sarajevu – Medicinskog fakulteta, održane 05. 12. 2025. godine sa početkom u 13,30 sati u Amfiteatru „Akademik Seid Huković“

Na dan održavanja sjednice, Vijeće Fakulteta broji ukupno 100 članova sa pravom glasa.

PRISUTNI: prof. dr. Amina Valjevac, prof. dr. Nermina Babić, prof. dr. Aida Kulo Ćesić, prof. dr. Almir Fajkić, prof. dr. Zlatan Zvizdić, prof. dr. Azra Metović, prof. dr. Orhan Lepara, prof. dr. Eldan Kapur, prof. dr. Sabaheta Hasić, prof. dr. Esad Pepić, prof. dr. Svjetlana Loga-Zec, prof. dr. Amela Džubur-Alić, prof. dr. Semra Čavaljuga, prof. dr. Adis Salihbegović, prof. dr. Jasmin Mušanović, prof. dr. Aida Sarač-Hadžihalilović, prof. dr. Alma Voljevica, prof. dr. Aida Hasanović, prof. dr. Ilvana Hasanbegović, prof. dr. Almira Lujinović, prof. dr. Elvira Talović, prof. dr. Zurifa Ajanović, prof. dr. Lejla Dervišević, prof. dr. Esad Ćosović, prof. dr. Dina Kapić, doc. dr. Višnja Muzika, prof. dr. Radivoj Jadrić, prof. dr. Emina Kiseljaković, prof. dr. Almira Hadžović-Džuvo, prof. dr. Asija Začiragić, prof. dr. Amela Dervišević, prof. dr. Sabina Mahmutović Vranić, prof. dr. Mufida Aljićević, prof. dr. Velma Rebić, prof. dr. Mirsad Dorić, prof. dr. Suada Kuskunović-Vlahovljak, prof. dr. Edina Lazović Salčin, doc. dr. Nina Čamdžić, prof. dr. Miralem Musić, prof. dr. Damir Šečić, prof. dr. Amna Pleho-Kapić, prof. dr. Maida Rakanović-Todić, prof. dr. Jasna Kusturica, prof. dr. Lejla Burnazović-Ristić, doc. dr. Sanita Maleškić Kapo, prof. dr. Izeta Aganović-Mušinović, prof. dr. Enisa Ademović, prof. dr. Nermin Sarajlić, prof. dr. Enra Mehmedika Suljić, prof. dr. Damir Rebić, prof. dr. Amel Hadžimehmedagić, prof. dr. Semir Bešlija, prof. dr. Alen Džubur, prof. dr. Amra Memić-Serdarević, prof. dr. Rusmir Baljić, prof. dr. Amela Begić, prof. dr. Zaim Jatić, prof. dr. Belma Paralića, prof. dr. Timur Cerić, prof. dr. Lejla Ibrićević-Balić, prof. dr. Edina Tanović, prof. dr. Slavenka Štraus, prof. dr. Sanela Salihagić, prof. dr. Nermir Granov, prof. dr. Asmir Jonuzi, prof. dr. Amina Selimović, prof. dr. Verica Mišanović, prof. dr. Fatima Gavrankapetanović-Smailbegović, prof. dr. Jasminka Đelilović-Vranić, prof. dr. Gorana Sulejmanpašić, doc. dr. Sabina Kučukalić, prof. dr. Nermina Bešlić, doc. dr. Jasminka Biščević-Tokić, dr. Ema Avdić, mr. sci. dr. Velma Selmanović, Ajdin Imamović (student Prodekan), Edina Serdarević, Lejla Katica, Amina Terzić, Adin Frjak, Ibrahim Lopo, Amina Klisura, Blaž Protuđer, Dr. Amina Zorlak-Čavčić, Dejan Kunić

Ostali prisutni: Anis Krivić dipl.iur - Sekretar Fakulteta, Mr. sci. Amna Krilić – Šefica Službe za podršku NIR-u i tijelima Fakulteta, Taida Nakić, dipl.psih. – Šefica Službe za nastavu i studentska pitanja

Odsutni članovi Vijeća koji su dostavili pismeno očitovanje da ne mogu prisustovati sjednici: *prof. dr. Nesina Avdagić, prof. dr. Sadeta Hamzić, prof. dr. Mustafa Busuladžić, prof. dr. Maida Šahinović, prof. dr. Amra Čatović, doc. dr. Samra Čustović, doc. dr. Lejla Alić Mehić, prof. dr. Nesina Avdagić, prof. dr. Đemil Omerović, prof. dr. Emina Kasumagić-Halilović, prof. dr. Ibrahim Omerhodžić, prof. dr. Sabina Terzić, doc. dr. Haris Pandža, dr. Amil Topuz*

Odsutni članovi Vijeća koji nisu dostavili pismeno očitovanje: *prof. dr. Mirsad Babić, prof. dr. Sandra Vegar-Zubović*

Dekan, prof. dr. Amina Valjevac je otvorila 3. redovnu sjednicu i konstatovala da sjednici prisustvuje 75 članova Vijeća sa pravom glasa, te da se na istoj može punovažno raditi i odlučivati.

Dekan je dala dostavljeni dnevni red na usvajanje

DNEVNI RED

1. Usvajanje Izvještaja Komisije za provođenje postupka izbora dekana Univerziteta u Sarajevu – Medicinskog fakulteta za mandatni period 2026-2030. godine po Konkursu objavljenom 14. 11. 2025. godine
Izvjestilac: Dekan

2. Usvajanje Prijedloga Komisije za provođenje postupka izbora dekana Univerziteta u Sarajevu – Medicinskog fakulteta o toku i tehničkoj organizaciji izbora dekana Univerziteta u Sarajevu – Medicinskog fakulteta
Izvestilac: Dekan
3. Informacija o održavanju izborne sjednice Vijeća Univerziteta u Sarajevu – Medicinskog fakulteta za provođenje postupka izbora dekana Univerziteta u Sarajevu – Medicinskog fakulteta po konkursu od 14. 11. 2025. godine
Izvestilac: Dekan

U međuvremenu stigla još četiri člana Vijeća, te nastavku sjednice prisustvuje 79 članova Vijeća sa pravom glasa.

Vijeće Univerziteta u Sarajevu – Medicinskog fakulteta jednoglasno je, sa 79 glasova ZA, usvojilo predloženi dnevni red kako je dostavljeno članovima Vijeća.

TOK GLASANJA

Ad 1/1 Prof. dr. Amina Valjevac, Dekan Fakulteta informisala je članove Vijeća da je konkurs za izbor dekana Univerziteta u Sarajevu – Medicinskog fakulteta u Sarajevu za mandatni period 2026-2030. godina raspisan 14. novembra 2025. godine. Komisija za provođenje postupka izbora dekana Univerziteta u Sarajevu – Medicinskog fakulteta, imenovana na 2. redovnoj sjednici Vijaća, održanoj 12. 11. 2025. godine sastala se 02. 12. 2025. godine, kada su konstatovali da su se na raspisani konkurs prijavila dva kandidata (prof. dr. Radivoj Jadrić i prof. dr. Amina Valjevac). Komisija za provođenje postupka izbora dekana podnijela je Vijeću Fakulteta 02. 12. 2025. godine Izvještaj koji je dostavljen članovima Vijeća u pripremi materijala za 3. redovnu sjednicu. Komisija je konstatovala da su prijave oba kandidata blagovremene i potpune. Dekan je također informirala da su uz Izvještaj članovima Vijeća dostavljeni programi rada oba kandidata, te njihove biografije sa bibliografijama i opisi naučnog i stručnog rada.

Dekan daje riječ prof. dr. Almiri Hadžović-Džuvo, predsjednici Komisije za provođenje postupka izbora dekana da prezentira Vijeću Izvještaj Komisije. Prof. dr. Almira Hadžović-Džuvo kratko je informisala članove Vijeća o izvještaju koji su članovi Vijeća dobili u Biltenu 3. Prof. dr. Almira Hadžović-Džuvo istakla je da se Komisija za provođenje postupka izbora dekana Univerziteta u Sarajevu – Medicinskog fakulteta (imenovana od strane Vijeća) u punom sastavu sastala 02. 12. 2025. godine te pristupila uvidu u dokumentaciju prijavljenih kandidata. Nakon pregleda Komisija je jednoglasno konstatovala da je prijava sa dokumentacijom oba prijavljena kandidata (prof. dr. Radivoj Jadrić i prof. dr. Amina Valjevac) blagovremena i potpuna, te da oba prijavljena kandidata ispunjavaju uslove po konkursu za izbor u zvanje dekana.

Dekan otvara diskusiju.

U međuvremenu stiglo još šest članova Vijeća, te nastavku sjednice prisustvuje 85 članova Vijeća sa pravom glasa.

Nakon što nije bilo diskusije po tački dnevnog reda, Vijeće Univerziteta u Sarajevu – Medicinskog fakulteta jednoglasno je, sa 85 glasova za, usvojilo Izvještaj Komisija za provođenje postupka izbora dekana Univerziteta u Sarajevu – Medicinskog fakulteta od 02. 12. 2025. godine, kako je prezentirano od strane predsjednice Komisije prof. dr. Almiri Hadžović-Džuvo i kako je dato u Biltenu 3.

Ad 1/2 Prof. dr. Amina Valjevac, Dekan Fakulteta informisala je članove Vijeća da je Komisija za provođenje postupka izbora dekana Univerziteta u Sarajevu – Medicinskog fakulteta, na istom sastanku, održanom 02. 12. 2025. godine uz podneseni Izvještaj Vijeću, izradila i podnijela Vijeću i Prijedlog Komisije za provođenje postupka izbora dekana Univerziteta u Sarajevu – Medicinskog fakulteta o toku i tehničkoj organizaciji izbora dekana Univerziteta u Sarajevu – Medicinskog fakulteta od 02.

12. 2025. godine, koji je također dostavljen članovima Vijeća u pripremi materijala za 3. redovnu sjednicu. Komisija je konstatovala da tok i tehnička organizacija izbora nisu jasno i precizno definisani Zakonom i Statutom Univerziteta u Sarajevu i članom 16. Poslovnika o radu Vijeća Univerziteta u Sarajevu – Medicinskog fakulteta, te su sačinili Prijedlog kako je dato u Biltenu 3.

Dekan je ponovno zamolila predsjednicu Komisije prof. dr. Almiru Hadžović-Džuvo da upozna članove Vijeća sa navedenim Prijedlogom.

Prof. dr. Almira Hadžović-Džuvo pojasnila je članovima Vijeća da je Komisija utvrdila da članom 16. Poslovnika o radu Vijeća Fakulteta nisu precizno utvrdili sami tok i tehničku organizaciju glasanja, Komisija je jednoglasno sačinila i podnije Vijeću Prijedlog o toku i tehničkoj organizaciji izbora, a sa ciljem osiguranja potpune transparentnosti i preciznog utvrđivanja toka i tehničke organizacije glasanja. Prof. dr. Hadžović-Džuvo istakla je da je Prijedlog potpuno usklađen sa odredbama člana 16. Poslovnika o radu Vijeća.

Prof. dr. Hadžović-Džuvo istakla je da je u Prijedlogu definisanje trajanje prezentacija rada oba kandidata, te da se nakon prezentacije predviđa vrijeme za pitanja članova Vijeća u trajanju od 15 minuta, nakon čega se pristupa glasanju. Komisija je također dala prijedlog da se obzirom na dva prijavljena kandidata, zaokruživanje rednog broja ispred imena kandidata smatra glasom ZA, a da se nezaokruživanje rednog broja ispred imena i prezimena kandidata smatra glasom PROTIV. Predsjednica Komisije prof. Hadžović-Džuvo također je pojasnila objašnjenje Komisije u Prijedlogu o definisanju nevažećih listića, te istakla da je Komisija danas u toku dana, radi jasnije definicije izmjenila dio teksta Prijedloga, dostavljenog u Biltenu 3 i to u dijelu gdje stoji „Nevažeći listić je listić na kojem redni broj kandidata nije jasno i cjelovito zaokružen“, Komisija predlaže da stoji „Nevažeći listić je listić na kojem redni broj nije zaokružen na način da se može utvrditi opredjeljenje člana Vijeća“. Prof. dr. Almira Hadžović-Džuvo ispred Komisije predlaže da se u Zapisnik unese i zaključak: Da ukoliko neko od glasača koristi uređaje za fotografisanje/nedozvoljena sredstva, prilikom glasanja, taj listi će se smatrati nevažećim.

Dekan otvara diskusiju.

Diskusija: prof. dr. Enra Mehmedika-Suljić (smatra da je nepotrebno da na listiću stoji obrazloženje. Prof. dr. Hadžović-Džuvo pojasnila da se Komisija u svom radu vodila dokumentacijom dostavljenom od strane Pravne službe Fakulteta, pri kreiranju forme listića konsultovana i Pravna služba Univerziteta u Sarajevu, utvrđeno je da u eventualnom slučaju inspeksijskog nadzora predloženi listić u potpunosti zadovoljava uslove iz člana 16. Poslovnika o radu Vijeća. Prof. dr. Enra Mehmedika-Suljić istakla da u Prijedlogu Komisije nije razrađen slučaj eventualnog istog broja glasova za oba kandidata, odnosno drugi krug glasanja. Prof. dr. Hadžović-Džuvo istakla da se Komisija u svom Prijedlogu bavila definisanjem samo onih elemenata koji nisu definisani Poslovníkom o radu Vijeća, zakonskim i podzakonskim aktima. Prof. dr. Semra Čavajuga uputila pitanje kojom verzijom Poslovnika su se vodili članovi Komisije, te predlaže da se razmisli o opravdanosti davanja mogućnosti postavljanja pitanja kandidatima, s obzirom da su njihovi programi rada u cjelosti dati u Biltenu. Prof. dr. Hadžović-Džuvo informisala je da se Komisija vodila jednim važećim Poslovníkom o radu Vijeća iz 2024. godine i da Komisija smatra da je demokratski ostaviti mogućnost za eventualno nejasna pitanja iz programa rada kandidata, s obzirom da se radi o profesorima koji trebaju voditi Univerzitet u Sarajevu - Medicinski fakultet. Prof. dr. Damir Šečić predložio da kandidatima svi članovi Vijeća trebaju postaviti po jedno pitanje. Gospodin Anis Krivić, sekretar Fakulteta pojasnio da se Komisija vodila Poslovníkom o radu Vijeća iz 2024. godine, kojeg je usvojilo Vijeće i da su članovi Vijeća dužni biti upoznati sa njegovim odredbama, te pojasnio da je član 16. Poslovnika definisao način glasanja, dok je član 13. definisao da svako od članova Vijeća ima pravo na diskusiju.

Nakon navedenih disusija, Dekan stavlja Prijedlog Komisije o toku i tehničkoj organizaciji izbora dekana prezentiranog i dostavljenog članovima Vijeća uz prijedlog izmjene u dijelu teksta koji se odnosi na definiciju nevažećih listića za glasanje i to: u dijelu gdje stoji „Nevažeći listić je listić na kojem redni broj kandidata nije jasno i cjelovito zaokružen“, Komisija predlaže da stoji „Nevažeći listić je listić na kojem redni broj nije zaokružen na način da se može utvrditi opredjeljenje člana Vijeća“.

Vijeće Univerziteta u Sarajevu – Medicinskog fakulteta većinski je, sa 83 glasa za i 2 suzdržana glasa, usvojilo Prijedlog Komisije za provođenje postupka izbora dekana Univerziteta u Sarajevu – Medicinskog fakulteta o toku i tehničkoj organizaciji izbora dekana Univerziteta u Sarajevu – Medicinskog fakulteta od 02. 12. 2025. godine, kako je dato u Biltenu 3 uz navedenu izmjenu dijela teksta.

Ad /3/ Prof. dr. Amina Valjevac, Dekan Fakulteta informisala je članove Vijeća da će se izborna sjednica Vijeća održati u srijedu, 10. decembra 2025. godine u 13,30 u Amfiteatru „Akademik Seid Huković“ i zamolila sve članove Vijeća da istoj prisustvuju.

Dekan je posebno zamolila šefove katedri da obezbijede prisustvo izornoj sjednici svim članovima Vijeća koji u terminu održavanja izborne sjednice imaju nastavne obaveze na način da im organiziraju zamjenu ili nastavne aktivnosti nadoknade u drugom terminu.

Dekan - prof. dr. Amina Valjevac zahvalila se članovima Vijeća na pažnji i učešću na 3. redovnoj sjednici, čime je u 13,55 sati istu i zaključila.

DEKAN

Prof. dr. Amina Valjevac

SEKRETAR FAKULTETA:

Anis Krivić, dipl.iur.

IZRADA ZAPISNIKA:

Nermana Šemić, prof.